

T3134/5030.81

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
FEB 9 1940

成安縣志

建置

附祀典

法制

風俗

賦役

附物產

樂

成安縣志

卷之五

建置

建置志曰易有之王公設險以守其國城池固首重哉
而治人而事神公署壇祠亦未可畧也成安城不百雉
隍湫隘可超而越無金湯之觀然衆志成城山河非寶
守之者厥惟人乎公署壇祠故壯麗者沒於水敗壁殘
碣率委榛莽間而民力又重困今所建造雖不逮曩之

哈佛大學漢和
圖書館珍藏印

二三而闢塗泥開草昧經之營之者匪易易矣語曰非常之原黎民懼焉及臻厥成天下晏如也嗚乎任怨任勞者上不受德爰居爰處者下尙思功哉

城池元以前不可考明正統中知縣張雲重築周圍三里有奇高二丈一尺池深一丈五尺東西南三門東曰善政西曰輔政南曰迎薰成化四年知縣劉堯闢小東門於東門左曰廣居以便薪水門各建樓嘉靖二十二年知縣鄭寅築城濬池城高二

丈三尺根濶一丈八尺寬八尺易堦以潤計一

七百三十池深一丈五尺底濶一丈面濶三丈建

角樓四窩舖十二二十五年知縣萬文彩重脩門

樓扁其東曰迎暉西曰拱極池兩岸植柳千餘株

民號萬公柳四十二年漳河溢堤決善政廣居門

俱壞知縣劉希尹重修更善政曰大東萬曆十二

年知縣李瑄扁大東曰暘谷生春西門曰大行西

望南門曰清漳環抱小東門曰挹暉三十二年知

縣劉永祿重修崇禎六年知縣李宗昉於北城建
德勝樓三楹八年知縣曹養鯤建東西門吊橋門
樓各一座磚築舖臺共十座九年建北城人和樓
三楹十二年修磚城高三丈九尺梁厚一尺五寸
敵樓四座長治門樓一座

本朝康熙十一年知縣王公楷重修東城迎暉樓

郭門明嘉靖元年知縣桂萼建東關東南北各一
十一年知縣杜聰於四門外建郭門各一

隄防明嘉靖二十一年知縣杜聰於城外築土堤
丈餘後爲水所壞

本朝康熙十年十一年十二年知縣王公楷節次增修
週圍一千七百七十八步高二丈有奇寬如之
于東南築外堤長七百六十步高一丈五尺寬一
丈兩隄相望環抱隄壘叠遭水患足恃無恐

縣治在城稍東明洪武三年知縣彭子潤建弘治十
四年知縣趙士元嘉靖十七年知縣章允賢萬曆

三十年知縣劉永脉各重修正堂五楹。扁曰忠愛堂。堂西典史廳三楹。扁曰贊政廳。東南隅庫樓一所。樓前東房三間。爲匠局。今廢。堂前爲露臺。繚以欄楯。臺前爲戒石亭。戒石不存。止存劉永脉懸扁。今并廢。臺東西爲吏曹。各十間。堂後爲後堂五楹。扁曰無倦。後堂前東西房各三間。東貯軍器。西置茶竈。後堂西爲書房三楹。書房西爲公廨六十六間。後堂東北爲仕優館三楹。後堂正北爲知縣宅。

正廳五楹。東西房各三間。正房五楹。東西房各二間。後房五楹。東西房各三間。後書房三間。迤東前房三間。正房三間。東西房各三間。主簿宅南爲典史宅。正廳三楹。東房三間。正房三間。東房五間。西房三間。東書房五楹。主簿宅舊在西。吏曹後今廢。戒石亭南爲儀門。儀門外東西有收糧廳各五楹。東收糧廳南賓賓館三楹。館南彰善癉惡亭共六楹。彰癉亭南衙神祠三楹。馬神祠三楹。西收糧廳。

後急遞舖堂房五間西房三間婦女房二間邑無
倉以舖爲倉拘禁罪犯之差輕者丹後爲馬廠地
三畝餘舖南爲監禁堂房三間東西房各三間南
房三間神祠一座最前爲大門上起譙樓樓祀伏
魔大帝像前有坊曰庇民左懸鼓右懸鐘以節晨
昏更漏崇禎四年知縣李宗昉建射圃二楹東西
小房四間十二年知縣陳熙建正宅後樓五間

本朝康熙七年漳水入城公署盡毀止遺後樓五間八

年知縣陳正巳建樓前東西房各二間前正房五

間東西房各三間三堂五間東房二間宅門一座

東門子房二間西皂隸房二間一堂五間東西房

各三間大堂三間東西六房十八間內皂隸房二

間東守門房一間西內巡房一間二門外快壯皂

房六間寅賓館三間衙神廟三間九年知縣王公

楷建大門樓三間後東西樓各三間東書房三間

扁曰聚星堂前五間曰雪舫庭之北書閣五間扁

日來薰閣三堂前西房三間看庫房二間忠愛堂
之東庫樓一座三間廳一座堂之西樓一座三間
鼎建 關王廟三楹于賓館東移祀譙樓神像于
中更夫邏卒庶免褻污矣重修囹圄舉其廢墜增
其所未脩自捐俸金不勞民力而公廳內屏庶幾
稱完美焉

學宮在縣治東南元至正二年知縣牛天章建元末
毀于兵燹明洪武二年知縣彭子潤重建正統間

知縣張雲韓溫相繼重修成化四年知縣鍾堯以

制狹拓而新之嘉靖二年知縣王鈴隆慶二年知

縣王琢玉萬曆三十年知縣劉永朕各重修四十

年知縣李天祺同教諭王孫昌各捐俸修敬一亭

王孫昌又修教諭宅置公座題名扁三木對聯四

四十二年知縣李三畏建廟門左右二坊東曰金

聲玉振西曰江漢秋陽四十四年知縣賈三策重

修龍門坊繕修前櫺星門三楹扁曰文廟門左爲

文昌祠三楹內爲戟門三楹戟門東爲名宦祠三楹門西爲鄉賢祠三楹戟門內爲先師廟七楹廟前東西二廡各十一楹東中五楹祀先賢北三楹爲圖書府南三楹爲點齋堂西中五楹祀先賢北三楹爲祭器庫南三楹爲更衣亭廟後啓聖祠三楹啓聖祠西爲明倫堂五楹王孫昌扁日立雪登雲堂前東爲進德齋五楹西爲修業齋五楹堂後爲教一亭二楹王孫昌建西耳房三間以庫役

守祭器亭東爲教諭宅正廳三楹北房二間

三楹東房三間西房三間齋南訓導宅東西各一

正廳三楹正房五楹東房五間西房五間正南爲

儀門三楹最南爲大門三楹大門前蹲踞石獅二

座是金泰定年物南瀕城爲泮池崇禎十三年知

縣陳熙訓導蓋國彥于泮池周圍砌以磚構橋三

洞起級達城城頭東南隅爲奎光樓自登瀛水患

漂沒殆盡所不壞者惟先師殿狀皆漉漫漂搖

僅蔽風雨餘皆頽垣敗壁廢址荒砌而已

本朝康熙十二年知縣王公楷慨朕以重修爲已任與訓導要胤昌捐俸庀材爲紳士倡首得邑人太學生溫恂遵父僉事溫如玉遺命捐銀三百兩以襄事筮吉經始殿廡齋署行當次第落成矣募疏碑記載藝文

名宦祠祀路去病寇準劉仁劉蕘許汝進桂萼萬文彩王鈐栢正張敬胡奎胡懋仁古時俊李應德邵春

宰繼先李宗昉共十七人祠毀于水知縣王公楷重建

鄉賢祠祀王明王挺王扶楊聰德楊栗史鑑溫和李哲張憲李謙李果劉淵劉昌張智高震李宗信陶盤共十七人祠毀于水知縣王公楷重修考舊志增祀大戴公德小戴公勝并附溫如玉于祠申請各臺列在祀典

祭器舊銅壘一知縣桂萼造知縣劉永麻增置磁香

爐十八大錫燭臺六中錫燭臺二十四硃紅木豆
二百八十祝板一硃紅祭帛匣十二黃布畫帳十
九硃紅供卓二十盛書器大概二生員安從善鑄
銅壘十六銅豆二百九十銅簋五十五銅簠五十
五

書籍四書大全學庸四本論語八本孟子八本周易
十二本詩傳十二本書傳十本禮記十八本春秋
十八本性理三十本以上係本學舊書十二經註

疏十四套計一百十四本兩漢紀一套計十本文
範一部計四十二本甘泉集一部計二十本趙文
肅集一部計十本桂李律一部計九本詩學大成
一部計六本韻學大成一部計四本男女訓書
部計六本狀元策一部計十本俱知縣劉永脈購
送唐人絕句一部計二十本臨川集一部計二十
本六書賦一部計八本俱邑人蔡可教送聖賢圖
贊一册記纂淵海四套計四十一本邑人吳維東

送史記百家評林三套計二十本生員安從善送
詩紀外集一部計四十本生員李在道送禮書一
套十二冊五代史一套六冊事物紀原一套十冊
宋蘇文忠集一套十四冊生員安衆送王氏感遇
集一部計六本耕心子漫稿一部計六本王伯后
續稿一部計三本雍正王氏三世詩選一部計二
本文廟陳設圖一軸俱教諭王孫昌留貯生員毛
親脫遵父生員毛瑄遺命送四書大全一部四套

古文正宗一部二套

右書籍悉依舊志所載兵戈水火之餘不無殘缺
缺條列原目以俟增置

公署

東察院在縣治東明洪武三年知縣彭子潤建大門

三楹二門三楹東西便門一座正堂三楹扁曰帥

正捲棚三楹東西皂隸房各三間後堂五楹穿廊

一座東廚房五間西監書房五間後堂北四明亭

一座知縣劉希尹劉永脉各重修

本朝康熙七年漳水入城泮毀無餘九年知縣王公楷
建寢房五間穿廊七間東廚房五間西書吏房五
間大堂三間東西皂隸房六間馬棚四間門三
間東西角門二間大門三間外廚房二間官廳二
間規模弘敞管轄精密視曩有加焉

西察院在縣治北大門三楹二門三座正堂三楹偏
日澄清東西皂隸房各二間後堂三楹東西各二
楹知縣劉希尹劉永脈各重修壞於水

育英書院舊係社學明嘉靖四十二年署事推官楊
沛改爲書院正堂三楹後堂三間前後東西房各
五間二門三座大門三楹知縣劉希尹重修後以
貯穀歲久傾圮過半知縣馬珍重建盡復舊制後
又拓地數尺以備倦遊東添廚房西添厠房今毀
於水

社學舊在預備倉右堂四日習禮日句讀日書算日
聽樂東西房日學舍明嘉靖元年知縣杜華建推

官楊沛改為書院社學遂缺知縣劉永脉從義民
牛漢卿請將買到迎祥觀西生員姚興基地三間
并生員王應石地一段創建社學正房五間門垣
俱備今毀於水四鄉社學少河等村共三十五所
義學在姜家營學田五十畝本村有雲龍置延師以
訓鄉中子弟

陰陽學舊在預備倉東廳五日欽若曰按時日救正

日獻神日卜筮室一二三凌陰局四日天文日地理

日挈壺日改火明嘉靖元年知縣桂萼建二十五

年知縣萬文彩改為仰功祠萬曆三十一年知縣

劉永脉移仰功祠於城隍廟左仍建陰陽學正廳

三楹門垣俱新今毀於水

醫學舊在預備倉西廳五日醫師日食醫日疾醫日

瘍醫日獸醫局四日修煉日丸散日咬咀日針灸

明嘉靖元年知縣桂萼建二十二年知縣鄭寅改

為義倉萬曆三十一年知縣劉永脉仍改醫學正

廳三楹門墀俱新今毀於水

僧會司在圓照寺舊有官無署明萬曆三十一年知縣劉永脉查本寺有經堂係公所內藏經室三楹西向中大士銅像高一丈二尺藏經一藏計五千四十八卷禪堂三楹南房三間西房五間遂扁其門曰僧會司扁其堂曰禪林秉鐸有記見藝文今毀於水

道會司在迎祥觀舊有官無署明萬曆三十一年知縣劉永脉從鄉民李可會請將買到觀東北隅隙周南地一區願輸於觀作道會司乃於三清殿左創建正廳三楹門樓一座遂扁其門口道會司扁其堂曰振起風今毀於水

預備倉在縣治西北舊正廳三楹大門一間北廩房十三間東西廩房各九間明正統五年知縣劉亨建嘉靖元年知縣桂萼重修鑄銅嘉量一件九年縣丞陳益增葺東西廩房各六間萬曆十年知縣

栢正又增葺南廩東西各五間年久正廳傾頽大
門敝壞三十一年知縣劉永脉重修大門一座初
建二門一座將嘉量廳改建於北廩正中又將南
廩西五間移北與東敖相並仍爲義倉社倉天齊
廟等處共三十一所

本朝康熙九年知縣王公楷重修

養濟院在縣治東北大門一間東西南北房共二十
四間井一口明嘉靖三十八年知縣劉凍修萬泚

三十二年知縣劉永脉重修正房六間南房六間
大門一座

本朝康熙十年知縣王公楷重修

演武場在城南里許亭房三間將臺一座明萬厯二
十九年知縣劉永脉重修

營房在八蜡祠東舊小察院地 康熙十一年冬知

縣王公楷因城內空地太多申請防兵遂自捐資
蓋造三十間未費民間一錢

坊表

東街督撫名藩及大中丞石坊為督撫浙江僉都御

史吳善言建三世褒封石坊為山東左布政使王

官用暨祖俊父隆建海岱方嶽石坊為左布政王

官用建進士坊為成化戊戌進士馬瑋建今廢

西街勅贈坊為給事中張潤身父羽建今廢勅誥重

封石坊為陝西副使蔡可教山東右叅政蔡可

父紹先建奪錦坊為弘治乙卯舉人溫輔建

坊為序班李悽鸞建侍臣坊為序班史麟建今廢

乾坤正氣坊為李門節婦楊氏建冰檠貞心坊為

李門節婦溫氏建貞烈坊為北楊村張門烈婦劉

氏建

南街登雲步月坊為景泰庚午舉人李果建今廢攀

龍附鳳坊為弘治己酉舉人喬彪建今廢鳳鳴朝

陽坊為正德庚午舉人尹官建今廢登賢坊為舉

人張瑁建今廢武進士坊為百戶楊爵建今廢錦

衣坊爲千戶楊通建今廢天寵重封石坊爲河南
道御史陳廷謨父汝登建

北街鄉進士坊爲正德癸酉舉人張潤身建今廢進
士坊爲正德甲戌進士張潤身建今廢舉人坊爲
嘉靖戊子舉人郭璠建貞節坊爲喬門節婦吳氏
建旌孝坊爲百戶侯聰建

橋梁

東門舊有吊橋年久朽壞明萬曆九年縣民吳一

改建磚橋二十九年漳水衝塌二十一年知縣劉
永脉改建

小東門橋明萬曆九年知縣栢正創建

西門舊有木橋年久朽壞明萬曆九年義民潘澄改
建磚橋邑人叅政蔡可賢記

南門橋明萬曆九年知縣栢正創建

西郭北隅橋明萬曆三十年邑人孟縣知縣蔡可行

創建

南郭護城楚橋明萬厯二十九年邑人陽曲縣知縣
袁魁同義民孔憲周等創建三十二年暴水衝頽
知縣劉永脉同邑人副使蔡可教建與梁高二丈
餘長七丈濶一丈五尺

舖舍

急遞舖舊在儀門東明萬厯三十一年知縣劉永脉
改建於儀門外西牆廳之西堂房共十間詳見縣

治

漳河舖正廳三楹扁曰停驂問俗正房三間入厯二
間扁曰郵亭小憩知縣劉永脉創建有記石

郭坊舖正廳三楹正房五間明萬厯十八年知縣楊
學詩改建

河曠舖正廳三間東房三間西房三間大門二間知
縣楊大庭重修

壇壝

社稷壇在城西北明洪武三年縣丞陳世和建宰牲

房三間今廢磚龕一座門坊一座

風雲雷雨山川壇在城東南明洪武三年縣丞陳世和建宰牲房三間磚龕三座門坊一座今廢

邑厲壇在城東北明洪武三年縣丞陳世和建宰牲房三間門坊一座今廢

廟祠

城隍廟在縣治西南明洪武二年縣丞陳世和建正殿三楹穿廊一座東西司各十二楹寢宮三楹道

院一所大門二門各三楹嘉靖十一年知縣董文

奎萬厯六年知縣倪湯各重修三十三年知縣劉

永脉將寢殿移北正殿左建廣生祠右建土地祠

減東西司各五楹寢殿西建齋房三間廚房三間

二門東西仍改左右便門東西碑亭各一座四十

五年知縣李三畏攻城隍廟大門爲樂樓

本朝康熙七年爲水所壞存者一椽片瓦半埋沙積十

一年知縣王公楷重修首捐俸金爲士民倡鼎新

大殿扁曰聰明正直廊廡門室樂樓以次修整規
度弘厥視舊制有加崧隆璀璨足壯觀瞻作記勒
石載藝文

八疇廟舊在城郭東北神祠一間漳水滄沒明萬厯

三十四年知縣劉永脉於預備倉東創建正殿三
楹門樓一座

城神祠三楹門一座東房二間明崇禎二年知縣李
宗助建

區上廟四一在縣治譙樓上明隆慶元年知縣楊相
建萬厯四十四年知縣賈三策重修詳縣治內

本朝康熙十一年知縣王公楷改建於儀門東正殿三
楹門樓一座一在城東北正殿東西房大門碑亭

門樓明嘉靖二十年知縣白鎮重修訓導嚴珊記
三十五年知縣王鈴重修教諭朱子光記一在城

東南八里大金山村邑人副使蔡可教記見藝文

衙神祠舊在儀門內東明洪武三年知縣彭子潤建

祀土地神配以漢相國鄧侯蕭公相國平陽侯曹
公嘉靖十七年知縣章允賢重修萬曆三十一年
知縣劉承祿改建詳見縣治內

馬神祠舊在儀門內西偏明洪武二年知縣彭子潤
建嘉靖十七年知縣章允賢重修萬曆三十一年

知縣劉承祿改建于儀門之東詳見縣治內

獄神祠在獄中詳見縣治內

萍神廟三楹在東門外隄旁

本朝順治十年知縣張一震建 康熙十年十一年

水連遭泛溢知縣王公楷先時隄防臨期堵禦城

郭人民得免于患乃歸功于神潔修祀事猶謂廟

貌仄隘無以妥神靈報捍禦謀于邑人士議新祠

宇卜地于東南河干以崇大其規模自制募疏載

藝文

東嶽廟在城郭東明萬曆十二年士民創建十三年

知縣劉承祿增修

真武廟在縣治西北不知肇自何時明成化初邑人
封給事中張羽重修三十七年邑民唐舜等重修
邑人叅政蔡可賢記萬厯三十一年知縣劉永脉
命壽官韓遇春等增修仍置道院一所邑人副使
蔡可教記見藝文

成安君祠祀陳餘事見史記列傳舊在縣治西北預
備倉後正祠三楹後房五楹大門五楹明成化間
知縣何讓重修江陰吳啟記嘉靖二十年知縣萬

文彩改建圓照寺東正祠三楹後房六楹門房三
楹扁曰成安君祠三十三年知縣劉永脉改建門
樓重懸扁額刻石記事

仰功祠祀宋成安尹寇萊公準明成安知縣桂文襄
公萼在縣治西北正祠一間後房五間東西房各
三間明嘉靖二十五年知縣萬文彩建御史俞時
記見藝文年久傾廢萬厯十二年知縣李瑄移神
主於書院三十一年知縣劉永脉改建祠於城隍

左正祠三楹門樓一座刻石記事

遺愛祠在城郭東南明嘉靖十九年士民建祀尤華

章公正祠三楹東西房各二間旁室三間門樓一

座置香火田十四畝訓導盱眙嚴珊記年久堂宇

門垣傾廢地亦沒入民間萬曆三十一年知縣劉

永脉重建正祠門垣地亦查復出租供祭祀

瑤霞元君廟三一在城郭西北明萬曆二十九年士

民改建一在城西北五里西魏村左社倉右社

東西祠各二碑亭二鍾樓一道院一邑人知縣

魁記見藝文一在城東南十五里呂彪村鄉民趙

守信道士趙淨登重脩

三官廟在城郭東南萬曆六年知縣倪湯於廟前建

宮亭三楹廟東建退亭三間今廢三十三年知縣

劉永脉重建門樓一座修築墻垣

寺觀

圓照寺在縣治西北前殿五楹後殿七楹東西護法

殿山門左右便門明洪武十五年僧會法聚建後
殿塔墀左有古栢一株弘治五年知縣張欽重修
邑人知縣高震記嘉靖十二年知縣韓聰重修萬
曆四年士民募脩改便門作券建鐘鼓樓各一三
十一年知縣劉永脈重修

本朝康熙十年知縣王公楷因條鄉約所具賀

聖壽皆習儀于中力任門新康熙九年各捐貲

此材邑武舉陳言撤大庭一座助之價值如

半時有京城戒僧募化衆贊業已付陳數十金
本土惡髡沮其工嗣後倘有緇流立德行曉佛法
者踵其事旦暮可以觀成焉

圓覺寺在城東三十里路固村元至元八年建明嘉
靖十七年僧祖香重修萬曆元年僧宗益重修邑
人賈汝軒記

圖銘寺在城西十二里即堡村唐太極元年壬子二
月十三日建有古栢石佛圖俱千年遺蹟

廣福寺在城西十二里夏陽村唐元和十三年建明
弘治六年八月初五日重修

匡教寺在城南二里許僧慧可說法處隋開皇中築
臺明嘉靖己未士民重築臺高二丈餘建千佛閣
於上後建佛殿二山門西向邑人李齊芳記萬厯
三十一年知縣劉永祿重修洞開檻牖四望朗狀
前創始祖殿東西護法殿各一臺砌崇高垣墻周
飾邑人袁魁記見藝文崇禎五年邑人增修

殿五楹八卦殿一臺後閣五楹

永興寺在城南二十五里鄭家庄

又殊寺在城北十五里河疇村宋熙寧五年士
月十五日建明弘治十六年居民張春同僧
重修邑人高震記

霧觀寺在城東北十八里關村店中有古塔唐天寶
間造明永樂間僧海亮正德間僧圓方嘉靖三十
四年僧明鳳各重修

圓照寺在城東南二十里郭方堡明洪武間居民祀
道僧永樂間僧普慧正統間僧了澄景泰間僧圓
鑑成化間僧圓泰弘治間僧明秀明嘉廣雲各重
修嘉靖三十七年僧行美同陰陽官韓尚林府掾
韓宗堯子麟重修萬厯三十三年僧清竹清平省
祭官韓宗舜壽官李時春牛漢卿重修

福勝寺在城東南三十里三家村舊明萬厯三年僧
可漢重修知縣燕好爵記三十一年邑民楊時則

等重修

觀音寺在城西南十二里霍村

洪覺寺在城西南二十里徐村金大定初年建明永
樂八年重修正德五年僧明方了慶募修邑人高

震記

大士居在縣治西北圓照寺前明萬厯二十年邑人
王之讓等重修正殿門扁題曰三大士居又東建
禪堂遊覽者多有題咏邑人副使蔡可教記見藝

文

迎祥觀在縣治西南虛皇殿五楹三清殿五楹東西
護法殿二座山門三楹不知創自何代金庚子元
癸酉各重修明正統元年知縣盧簡重修教諭張
敬記正德八年知縣許汝進重修邑人張瑄記
歷十八年道士陳清霄募修三十一年知縣劉
脈重修仍創建道會司邑人袁魁記凡此文

卷之五

附

祀典

祀典志曰祀以酬功報德也孔子功德萬古為烈矣壇
壝城隍文昌八蜡馬燾諸神民社實式憑之可令豚肩
不獻乎成安君無大造於茲土徒以倡義受封乃與寇
桂章三公共血食幸矣嗟乎不語不闕祀典豈無謂哉
何間巷之修伏臘者土木形骸比比也倘有欲梁公其
人者旦暮釐正之可也

先師廟舊稱大成至聖文宣王明嘉靖中奉旨欽定

徽號曰至聖先師孔子徽塑像易以木主歲二祭

時用春秋月用仲日用上丁牲用少牢 祭品帛

一中爵三和羹二黍稷稻粱黑餅白餅糗餌粉糍

左鹽藁魚棗栗榛菱芡鹿脯右韭醢醢菁鹿醢笄

兔芹魚醢豕羊各一前案香燭祝板祭物在故牒

中

配舊稱某國某公今改某聖某子祭品左二其帛

二豕羊一每位咸酒梁榛芡韭菹醢醢餘同正壇

右二豆

十哲舊稱某侯某伯今改先賢某子 祭品左五其

帛一豕羊一每位中爵一和羹一黍稷左鹽棗栗

脯右菁鹿醢芹魚右俱同

兩廡各稱先賢某子先儒某子每廡帛猪羊分五壇

每壇香燭黍稷鹽鹿脯菁菹鹿醢每位爵一嘉靖

十年黜申黨公伯寮秦冉顏何荀兗戴勝劉何賈

達馬融何休王肅王弼杜預吳澄十三人林放遽
瑗鄭重盧植鄭玄服虔范甯七人各祀於鄉增祀
后蒼王通歐陽修胡瑗四人隆慶年新增薛瑄萬
厯年新增胡居仁陳獻章王守仁羅從彥李侗從
祀

啟聖祠每歲二祭時用春秋月用仲日用上丁祀孔
子父鄆邑大夫叔梁紇舊在從祀之列嘉靖十年
以子不先父食詔立專祀屆期先展禮進號啟聖

公 祭物帛一豕一羊一爵豆同文廟

七配先賢顏氏路曾氏子哲孔氏伯魚係東一壇先
儒程氏珦朱氏松蔡氏元定係西一壇猪羊統於
啟聖每壇祭品同十哲各宦祠祀官師有功德於
士民者見建置期同孔廟 祭物豕一羊一共一
壇爵豆同庶

鄉賢祠祀邑人有德行足以表正風俗者見建置期
同孔廟 祭物豕一羊一爵豆同名宦

文昌祠 祭物豕一羊一爵五同名宦

社稷壇祭期時月同孔廟日用土戊牲用少牢 祭

品和羹黍稷稻粱左栗棗鹽魚右醢醢菁芘

祭物豕二羊二帛二兔二燭三對

風雲雷雨山川壇祭期時月同社稷牲用少牢祭儀

同社稷惟稱詣風雲雷雨本縣境內山川本縣城

隍神位前瘞毛血改唱聖瘞爲聖燎 祭物惟帛

七豕羊兔各三餘同社稷

城隍壇祭清明中元孟冬朔主以城隍 祭品物果

四豕羊一又各設里屬牌果四各豕羊一設湯飯

城隍廟合祭於山川壇每年五月二十八日士民進

香於廟

衙神祠 祭期同壇品物果四豕一羊一

馬神祠 祭期同壇品物果四豕一羊一

八蜡祠明嘉靖八年奉制爲農行祈報之祭神位曰

先畮之神曰司畮之神曰昆蟲之神曰防之神曰

水塘之神曰農之神曰郵表曝之神曰貓虎之神
題曰八蜡神 祭期同壇品物果四豕一羊一
旗燹祀軍牙六燹之神每歲驚蟄日霜降日 祭於
演武場品物四果三牲

成安君祠祀趙陳公餘期同壇品物四果三牲

仰功祠祀宋成安尹寇忠愍公準明成安知縣桂文
襄公萼期同壇品物果四豕一羊一神食

遺愛祠祀知縣九莘章公允賢期同壇品物果四豕

與羊各一神食

關王廟祭期同壇祠 祭品隨設羊豕各一

漳神廟祭期同壇祠 祭品隨設羊豕各一

右二祠往例羊豕皆借獻非特設知縣王公楷出貲

慶備于二仲外五月十三日增祀關王廟三月十

五日六月二十四日增祀漳神廟祭品羊豕俱自

備至河水泛漲神祠神皆預備祭獻舉羊豕投

之中流所以祈神休而捍民災也後之宰邑者鑒

卷之五

法制

法制志曰邑無法制邑何能立願法制非象魏之懸科
條之設也躬行將在牧耳無謂雖麟趾之意而漫言周
官是惡人之衣紫而躬自服之也思威不兩失乎語曰
令之不行自上始也上不徒法下自守法令甲直駢拇
耳當事者無專求之法制哉

鄉約約正一人約副一人俱用忠實公正能約束處

斷者約講一人約贊一人俱用頗通文義能知禮節者木鐸老人二名須年高有德爲衆所推者設立鄉約處所不拘寺觀公館廟宇可容百人上設聖諭木牌一座每月初二十六日約正副先赴約所鳴鼓取齊約衆俱集分左右序齒站立約贊唱揖禮拜畢老人振鐸高宣

聖諭約中年少者俱講案約講以次講

聖諭弁律例衆皆拱聽講畢相揖而退本縣知縣不時

親臨仍置彰善癉惡二簿其約中有爲善作惡者約正副公同指實登註簿內每季中赴縣呈報以昭勸戒 在城圓照寺并四鄉郭坊堡等村共鄉約三十一所

武備明洪武初詔郡縣各設教場始有演武亭正統己巳之變于忠肅公設神機兵以爲城守縣始有民兵正德間薊盜猖獗出沒名廣真保間者經年院道移檄府縣繕城濬隍收各寺銅鑄浮屠像爲

器械縣始有兵器召募勇力別爲隊伍縣始有馬
步營兵萬厯十七年因有倭變奉例揀選壯丁名
爲鄉兵每常操練嗣後玩愒日甚即有操練率以
老弱充數僅同兒戲何禪行伍奉兵道明文將快
壯鄉兵按五方編爲隊伍仍用五色衣帽五色旗
幟以彰號令月凡三操巡捕典史領其事本縣知
縣每月終親詣校閱擺列管陣比試弓馬課其殿
最明其賞罰坐作進退步伐止齊之方有條不亂
矣

舊設馬步兵撫院標下馬兵一十八名步兵一十四
名真定民兵營馬兵一十八名步兵五十六名奉
裁已久

舊設民壯本府團操六十九名本縣課程內有工食
見今解府

舊設守城勇士二十名今仍之
舊義兵一千名親丁四百名今無

新設壯丁二十名在各役隊內選用知縣王公楷設
郎食各役隊內公食

新設健丁十名巡守倉庫城池知縣王公楷捐脩工
食原無額設

新設防兵馬兵一名去兵十二名

康熙十一年知縣王公楷因城內空曠防禦宜嚴申請
院道 府在廣營內撥駐

器械貯庫見存大砲壹百零捌位三眼鎗壹百捌位

引火藥壹千叁百斤守賊防夜支用鎗子壹百口
拾斤防守各役間一支用鐵子貳百伍拾個

保甲各該地方挨門順序每十戶編爲一甲共製一

牌每一門即爲一戶填註牌面又於一甲十戶之

內編甲長一名於十甲百戶之內編保長一名俱

要殷實良民有行止才幹者充其役無事比隣保

守有事逐戶挨查專一緝捕賊盜杜絕詐僞稽查

奸細嚴禁賭博互相覺察以靖地方本縣知縣時

爲申飭刻意舉行仍懸緝盜賞格以激勵鄉衆至
於游手乞丐游食僧道教手走解卜筮星相一切
面生可疑之徒即時驅逐出境仍將本村素行不
良之人每遇朔望令地方指名舉報無論盜賊屏
息即奸詐賭博之徒亦俛首歛跡矣

在城五地方并三關廂共保甲五十四牌

東鄉西馬頭等三十一村共保甲九十五牌

西鄉東魏等三十五村共保甲一百一十三牌

南鄉北陽等四十七村共保甲一百一十三牌

北鄉高家庄等三十村共保甲七十三牌

卷之五

附

風俗

風俗志曰五方風氣習俗甚不一矣然上樹風者也下從風者也身教化之責者苟能持風裁端軌範邑之士大夫敦厚篤實無倣輓近之流風則儆俗其日起乎不風之求而責俗於民雖犴狴當前華面而已上與下無乃風馬牛不相及乎

漢書謂土廣民雜高於氣勢隋地理志謂人性質直

尚儉約勤稼穡織紉宋地理志謂地雜斥鹵人多
畜牧善政樓記謂風俗循美府志謂民俗勤儉士
知向學圖經謂民俗殷富人性澆悍以今觀之大
都人勤儉直率有氣士讀書農力田工巧拙居半
商通齊衛陶濮販鬻為賈賈賈質富親遜質樸有三
代之遺邇來人情日澆頹風漸長向之慷慨悲歌
者今覺發揚蹈厲矣鼠牙雀角齊民率以為常巷
議心非學士問或不免遊乎賭博佞篋推埋則萑

苻之變宜防也杜和黨行私挾詐罔上則武斷之滋
可慮也至於娶婦如生子移居開館諸事則送旗打
網死喪則門前及筵中歌唱發引雜用社火走馬
上杆之戲親友設錦棚祭路則又鄙陋奢妄之當
革者

成安縣志

卷之六

賦役

賦役志曰成土狹民稠中穴之產輒號素封非若梁宋
開田連阡陌也然習尚儉朴故民用以裕租庸易完自
萊公時已然矣頻年旱潦民漸不贍雖逋負者少艱難
萬狀寧復樂輸之舊哉生聚教養司牧者念諸

原額徵糧民地伍千伍百陸拾叁頃伍拾伍畝丙分

優免地伍百貳拾肆頃伍拾伍畝每畝徵正供銀
貳分柒釐叁毫肆絲共徵銀壹千肆百叁拾肆
兩壹錢壹分玖釐柒毫每畝徵正供閏月銀柒
毫壹絲伍微貳纖柒沙柒塵陸埃伍渺伍漠共
徵銀叁拾柒兩貳錢柒分柒毫叁絲叁忽玖微
叁纖玖沙叁塵貳渺伍漠順治拾肆年奉

守除正供外每畝徵停免銀壹分伍釐伍毫壹絲貳微
伍纖叁沙共徵銀捌百壹拾叁兩伍錢玖分叁

毫貳絲壹忽壹微壹纖伍沙每畝徵停免閏月
銀壹釐壹毫壹絲捌忽伍微貳纖壹沙柒塵陸
埃肆肆共徵銀伍拾捌兩陸錢柒分貳釐伍絲
陸忽玖纖貳沙陸塵叁埃肆渺

行差並寄庄地一例行差共地伍千叁拾玖頃每
畝徵正供銀貳分柒釐叁毫肆絲外加雜辦銀
壹分伍釐伍毫壹絲貳微伍纖叁沙共徵銀貳
萬壹千伍百玖拾貳兩貳錢肆分貳釐肆毫捌

絲陸忽米微每畝徵閏月銀壹釐捌毫貳絲玖
忽肆纖玖沙肆塵米埃貳渺貳漠共徵銀玖百
貳拾壹兩陸錢伍分捌釐貳絲捌忽玖微玖纖
陸塵玖埃米渺伍漠奉

旨加增馬價胙衣並脚價共銀肆百壹拾貳兩捌錢柒
分捌釐係正供不論優免行差寄庄一例均派
每畝徵銀柒毫肆絲貳忽壹微壹纖貳沙伍塵

奉

旨加增貳次改折芝蔴花絨價銀玖拾貳兩玖錢伍分
陸釐壹毫捌絲捌忽肆微叁纖柒沙伍塵亦係
正供不論優免行差寄庄一例均派每畝徵銀
壹毫陸絲柒忽捌纖柒塵伍渺壹漠

以上地共徵銀貳萬肆千叁百肆拾伍兩柒錢捌
分陸釐陸毫玖絲陸忽貳微伍纖貳沙伍塵遇
閏地畝內加徵銀壹千壹拾貳兩柒錢玖分玖
釐玖毫叁絲柒忽玖纖貳沙陸塵叁埃肆渺腳

價銀肆兩捌錢捌毫捌絲壹忽玖微叁纖

原額人丁貳萬貳千捌拾柒丁康熙伍拾兩年編審
新增人丁除頂補老卅人丁外實增新丁陸百
叁拾貳丁實在下下人丁貳萬貳千柒百壹拾
玖丁內除優免人丁捌百貳拾肆丁除紳衿本
身丁叁百壹拾壹丁照舊豁免不徵外供丁伍
百壹拾叁丁每丁徵停免銀壹錢共徵銀伍拾
壹兩叁錢

行差人丁貳萬壹千捌百玖拾伍丁每丁徵銀肆
錢共徵銀貳千壹百捌拾玖兩伍錢貳項人丁
共徵銀貳千貳百肆拾兩捌錢

原額歸併屯地肆百陸拾玖頃壹拾叁畝壹分伍釐
貳毫

柏寺西營地貳拾壹頃叁拾肆畝伍釐壹毫每畝
徵銀貳分貳釐捌絲捌忽壹纖叁沙玖塵玖埃
共徵銀肆拾柒兩壹錢叁分陸釐玖毫伍絲捌

忽捌微去織柴沙伍塵

柳寺東營地叁拾肆頃陸拾貳畝貳分叁毫每畝

徵銀壹分壹釐伍毫叁絲捌忽玖微壹織肆沙

叁塵伍埃其徵銀叁拾玖兩玖錢肆分伍絲玖

忽

史家庄營地陸頃每畝徵銀壹分陸釐陸毫伍絲

貳忽貳微柴織伍沙貳塵叁埃肆渺伍漠其徵

銀玖兩玖錢玖分壹釐叁毫陸絲伍忽六微肆

織柴塵

辛寨營地叁頃捌拾捌畝伍分每畝徵銀叁分陸

釐捌毫叁絲伍忽玖微玖沙肆塵陸埃其徵銀

拾肆兩叁錢壹分伍釐柒毫伍絲捌微貳織貳

沙肆塵

霍村營地捌拾叁頃玖拾叁畝柒分肆釐每畝徵

銀壹分陸釐玖毫叁絲叁忽貳微捌織柒沙陸

塵捌埃柒渺其徵銀壹百肆拾貳兩壹錢叁分

參釐陸毫壹絲肆忽壹微捌纖玖沙

鄭家庄營地陸拾壹頃肆拾伍畝貳分叁釐捌毫

每畝徵銀壹分玖釐捌毫貳絲伍忽肆微捌纖

貳沙玖塵叁泐其徵銀壹百貳拾壹兩捌錢叁

分貳釐叁毫壹絲玖微

高陵阜營地陸拾陸頃貳拾玖畝伍分壹釐每畝

徵銀壹分玖釐貳毫陸絲伍忽伍微壹纖貳沙

玖塵捌埃其徵銀壹百貳拾柒兩柒錢貳分玖

毫壹絲玖微

魚口營地叁拾壹頃叁拾壹畝壹分壹釐每畝徵

銀壹分貳釐柒毫捌絲陸忽陸微柒纖玖沙貳

塵玖埃其徵銀肆拾兩叁分壹釐肆毫玖絲玖

忽叁微柒纖貳沙

連送營地肆拾貳頃壹拾陸畝伍分每畝徵銀壹

分叁釐肆毫肆絲陸忽貳微柒纖叁沙壹塵玖

埃共徵銀伍拾陸兩陸錢玖分陸釐貳毫壹絲

玖徵

郭兒庄營地肆拾玖頃叁拾貳畝每畝徵銀壹分

貳釐陸毫叁忽貳微陸織陸沙柒塵柒埃共徵

銀陸拾貳兩壹錢陸分肆釐叁毫伍絲叁忽

郭坊營地陸拾捌頃捌拾畝叁分每畝徵銀貳分

肆毫肆絲伍忽陸微捌織叁沙陸塵捌埃共徵

銀壹百肆拾兩陸錢柒分貳釐肆毫叁絲柒忽

叁微捌織肆沙陸塵遇閩各營每畝加銀捌忽

捌微叁織貳沙柒塵叁埃伍沙陸漠共徵閩片

銀肆錢壹分肆釐叁毫柒絲伍忽

以上地共徵銀捌百貳兩陸錢叁分伍釐肆毫柒

絲肆微肆織陸沙貳塵遇閩地內加徵銀肆錢

壹分肆釐叁毫柒絲伍忽

原額屯丁叁百伍拾叁丁康熙伍拾兩年編審除頂

補老丁外實增新丁叁拾肆丁實在屯丁叁百

捌拾柒丁

中中戶米丁每丁徵銀肆錢伍分伍釐共徵銀叁兩壹錢捌分伍釐

中下戶肆拾貳丁每丁徵銀叁錢捌分共徵銀拾伍兩玖錢陸分

下上戶伍拾伍丁每丁徵銀叁錢共徵銀拾陸兩伍錢

下中戶玖拾壹丁每丁徵銀貳錢共徵銀拾捌兩貳錢

下下戶壹百玖拾貳丁每丁徵銀壹錢共徵銀拾玖兩貳錢

以上各丁則不等共徵丁銀柒拾叁兩肆分伍釐

額外民地肆頃陸拾貳畝每畝徵銀叁分叁毫共徵銀拾叁兩捌錢陸分脚價銀壹錢叁分捌釐陸毫

以上額內額外地丁共徵銀貳萬柒千肆百柒拾陸兩貳錢陸分伍釐柒毫陸絲陸忽陸微玖纖

捌沙柒塵遇閏加銀壹千壹拾捌兩壹分伍釐
壹毫玖絲肆忽貳纖貳沙陸塵叁埃肆渺

壹起運

戶部項下本折夏稅秋糧馬草鹽鈔等項並額外屯

糧民地共銀壹萬壹千陸百柒拾玖兩伍錢柒

分柒釐肆絲肆忽伍微肆纖叁沙柒塵內有買

本色芝麻貳拾陸石肆斗貳升柒合壹勺該價銀

叁拾伍兩陸錢柒分陸釐伍毫捌絲伍忽

本色花紙壹百壹拾兩壹錢貳分叁釐柒毫

價銀玖兩壹錢柒釐伍毫柒絲捌微壹纖貳沙

伍塵

折色共銀壹萬壹千陸百叁拾肆兩柒錢玖分貳

釐捌毫捌絲捌忽柒微叁纖壹沙貳塵捌價銀

壹百壹拾肆兩柒錢肆分陸毫陸忽壹微貳纖

柒沙玖塵貳埃

閏月加銀壹百柒拾玖兩伍錢壹分柒毫玖絲叁

忽那價銀壹兩柒錢玖分伍釐壹毫柒忽玖微
冬織

節年裁剩裁扣續裁全扇心紅官俸廩膳馬夫
皂及編審人丁并裁教諭刑廳步快手兒支驛
站工料廣武站及城守銀兩造冊紙張本折銷
墊脚價等項共銀陸千陸百陸拾肆兩伍錢柒
分貳釐伍毫玖絲陸忽伍微柒絨壹沙陸沙陸
埃

門裁銀叁百捌拾叁兩柒錢玖分捌釐肆毫
絲玖忽肆微玖織貳沙陸塵叁埃肆沙陸

禮部并光祿寺項下折色小麥豌豆芝蘇山芋麻口
聽差等項共銀伍百玖拾肆兩肆分陸釐伍毫
脚價銀伍兩玖錢肆分肆毫陸絲伍忽
閏月加銀捌兩柒錢捌分伍釐柒毫脚價銀捌分
柒釐捌毫伍絲柒忽

兵部並太僕寺項下折色柴薪皂糠弓兵舖夫直堂

皂隸者監禁子並馬價草料柴炭更名等項其

銀叁千捌百柒拾壹兩貳錢壹分叁釐脚價銀

伍拾壹兩貳錢柒分肆釐玖毫

閏月加銀伍拾貳兩柒錢捌釐叁毫脚價銀壹兩

肆錢貳分貳釐玖毫壹絲柒忽

工部項下本折柴夫料價并衣翎毛軍器狐皮等項

共銀壹千貳百玖拾柒兩玖錢柒釐伍毫內

買

本色狐皮拾肆張該價銀柒兩叁文照折徵起解

應支脚價銀壹錢肆分

折色共銀壹千貳百玖拾兩玖錢柒釐伍毫脚價

銀拾柒兩玖錢壹分捌釐柒毫

閏月加銀壹百肆拾玖兩伍錢脚價銀壹兩肆錢

玖分伍釐

以上起運本折共銀貳萬肆千壹百柒兩叁錢壹

分陸釐陸毫肆絲壹忽壹微壹纖伍沙叁塵貳

埃脚價共銀壹百玖拾兩壹分肆釐陸毫柒絲
壹忽壹微貳織柒沙玖塵貳埃

閏月銀柒百柒拾肆兩叁錢叁釐貳毫肆絲貳忽
肆微玖織貳沙陸塵叁埃肆渺脚價共銀肆兩
捌錢捌毫捌絲壹忽玖微叁織

各部寺起運本折俱奉

旨彙解

戶部

實支一分留各役工食共銀叁千壹百柒拾捌兩玖錢叁分肆釐肆毫伍絲肆忽肆微伍織伍沙肆塵陸埃

閏月銀貳百叁拾捌兩玖錢壹分壹釐陸絲玖忽
陸微

之六

土產

聞嘗載考周禮職方氏以土會之法辨五地之物
產利民用也成安固斥鹵哉朕古有種樹十年而
致千金者顧地力之盡不盡何如耳書曰不貴異
物賤用物民乃足布帛菽粟天地之至寶也何謂
奇產哉

成安無奇產其粒我烝民者無如一麥其次則粟豆

黍蕎菜子耳舊稱桑棗之地今半爲河伯所蝕矣
白梨頗佳來自臨洛蘋蓏榴柿李桃杏梅核桃葡萄
菊來自鄴下蔬瓜俱有獨少薑芋而已閭閻之家
不築花圃好事者或移自他方梅花蓋罕識焉屋
梁多用白楊狸首珍栢其菴藹而蔽芾者徧野悉
柳也水淤沒鮮有巨材槐榆椿楮桂梨花椒樹或
有之綿紬絲縑頗不惡布稀窄不堪價倍他布
脯多豕牛樟魚肥狀不常有羊僅供祭祀蠓蝦絕
無鮮者



